

Paasfeesherdenking 3

1. Praise and Worship

2. YSBREKER: Paasfees Skattejag

- Terwyl ons die kerk regkry vir die Paasfeesherdenking kry elke groep 'n blaai met teksverse.
- Hulle moet die vermiste woord in die Bybel opsoek, dit inskryf, en die item dan gaan soek.
- Wanneer 'n groep klaar is, gaan hulle terug kerk toe.

3. Instruksies vir die aand:

- Wanneer die groepe terugkom in die kerk gaan sit **ALMAL** op die **VLOER** in hulle groepe (niemand op die verhoog nie)
- Elke groepleier maak asb seker jy kry alles wat jy nodig het by my vir die res van die aand **VOORDAT** jy gaan sit.
- Groepleiers bring asb vir my 'n swartsak saam.
- Ons gaan die verhaal van Paasfees lees, terwyl 'n groep mense dit 'uitact' op die verhoog.
- Die groepe gaan nagmaal gebruik saam met die groep op die verhoog wanneer hulle dit gebruik.
- Daarna gaan dit die Getsemane toneel wees.
- Daarna is daar nie meer mense op die verhoog nie – ek gaan die verhaal lees en die groepe gaan doen soos ek lees.

4. Die verhaal van Paasfees:

1. Dis Paasfees in Jerusalem. Met Paasfees sê die Jode vir God dankie dat Hy hulle uit Egipte laat trek het, en vir hulle gesorg het. Dan slag hulle 'n lammetjie en eet spesiale brood.

2. GROEP MANNE KOM IN: Jesus en sy dissipels vier ook Paasfees, hy vra sy dissipels om 'n spesiale kamer daarvoor reg te kry. Terwyl hulle om die tafel sit sê Jesus vir sy dissipels dat een van hulle Hom gaan verrai. Een van hulle gaan Sy vyande help om Hom te vang.

Almal skrik, want hulle kan nie dink dat een van hulle so iets sal doen nie, hulle is dan almal lief vir Jesus. Jesus sê dat die een wat sy brood saam met syne in die skottel steek, die een is wat Hom gaan verrai – Judas steek sy brood saam met Jesus s'n in die skottel en staan dan op van die tafel en loop uit.

Jesus weet dat Hy gaan sterf. Hy wil hê ons moet altyd onthou dat Hy vir ons sondes gesterf het. Hy neem toe brood en breek dit en gee vir elke dissipel 'n stukkie. Hy sê: "Dit is my liggaam, eet dit en onthou My". Toe neem Hy die wyn, gee vir elkeen 'n bietjie en sê: "Dit is my bloed wat al julle sondes weg was." (**ALMAL GEBRUIK SAAM NAGMAAL**)

Dit was die eerste Nagmaal gewees. Vandag vier ons wat in Jesus glo nog altyd die Nagmaal, want dan onthou ons dat God vir Jesus gestuur het om ons sondes weg te neem.

KINDERS SING: Lord I need You

3. MANNE SKUIF NA DIE HOEK VAN DIE VERHOOG BY DIE KRUIS: Nadat Jesus en sy dissipels klaar die Nagmaal gebruik het, gaan hulle na 'n tuin met die naam Getsemane toe. Jesus weet dat hulle Hom daardie nag nog gaan vang om hom te kruisig. **(JESUS KNIEL OM TE BID)** Hy is baie bang, want Hy is God se Seun en Hy weet presies wat hulle met Hom gaan doen, en hoe moeilik dit vir Hom gaan wees. In die tuin bid Hy en vra God sy Vader dat as dit moontlik is, hierdie dinge nie met Hom moet gebeur nie, maar as God regtig dink dis nodig, dan sal Hy dit doen.

4. SOLDATE KOM IN VANG JESUS EN STAP MET HOM TOT IN DIE MIDDEL VAN DIE VERHOOG TERWYL DIE SOLDAT HOM VASHOU: Hier in die tuin van Getsemane word Jesus deur die soldate gevang, nadat Judas vir die priesters vertel het waar om Jesus in die hande te kry.

Pilatus, die man wat moes besluit wat hulle met Jesus moes doen, het geweet dat Jesus niks verkeerd gedoen het nie. Toe hy die Jode vra wat hy met Jesus moes doen, het hulle geskree: “kruisig hom”. **(KINDERS SKREE – KRUISIG HOM!!)**

DIE MANNE LOOP MET JESUS DEUR DIE KERK TOT IN DIE SAAL

5. Nadat Jesus BAIE geslaan was, soveel so dat Hy nie eers meer sy eie kruis na Golgota kon dra nie, het hulle Hom aan die kruis vasgespyker. Almal wat rondom die kruis gestaan het, het met Hom gespot, en gesê ander kon Hy red, maar nie Homself nie, as jy God se Seun is, kom van die kruis af. **(ELKE GROEP SPYKER HULLE KRUISE AAN MEKAAR VAS – LAAT DIT KINDERS HELP EN DEELNEEM WAAR MOONTLIK SODAT HULLE IETS DAARVAN KAN ERVAAR)**

6. Jesus het nie, want Hy het geweet HOEKOM Hy aan die kruis hang, nie omdat Hy iets verkeerd gedoen het nie, maar vir elkeen van ons se sondes, sodat as ons HOM kies, dan hoef ons nie hel toe te gaan en self die straf vir ons sondes te kry nie.

Terwyl Jesus aan die kruis gehang het en BAIE swaar gekry het en almal met Hom lelik was en Hom gespot het, het Hy niks lelids terug gesê nie, Hy het net vir God gevra om hulle te vergewe, want hulle weet nie wat hulle doen nie. **(KINDERS SKRYF SONDES SE NAME NEER EN PLAK DIT OP DIE KRUIS – GEE 'N OOMBLIK STILTE SODAT DIE KINDERS VIR JESUS KAN DANKIE Sê DAT HY VIR HULLE SONDES GESTERF HET SODAT HULLE NIE NODIG HET NIE)**

7. AL DIE LIGTE IN DIE KERK WORD AFGESIT: Toe begin dit skielik donker word. Dit was nog middag gewees, maar die son het nie meer geskyn nie. Die aarde het begin bewe en die mense het bang geword, en hulle het nie meer gespot nie. Jesus sê toe: “Dit is volbring”. Dit beteken: nou is die sonde klaar betaal, Jesus het satan oorwin en hy het geen mag meer ons nie. Op daardie oomblik het Jesus gesterf. en een van die soldate het geweet dat Jesus regtig God se Seun was.

8. Na Jesus se dood het een van Jesus se vriende met die naam Josef na Pilatus gegaan en gesê dat hy Jesus graag wil begrawe. Hulle het sy liggaam gevat, dit in doeke toegedraai en in 'n rotsgraf gesit met 'n groot klip voor dit.

9. **MARIA KOM IN OM NA DIE GRAF TE GAAN KYK**: Twee dae later, die Sondagmôre, het Maria Magdalena na Jesus se graf toe gegaan, maar toe sy daar kom was die swaar klip voor die graf weggerol, en die graf was leeg gewees. **ROEP TWEE VAN JESUS SE DISSIPELS OM TE KOM KYK**: Sy het dit toe vir twee van Jesus se dissipels gaan vertel, en terwyl hulle daar was het hulle gesien dat die graf leeg was.

10. **MARIA KYK IN DIE LEË GRAF IN**: Maria was baie hartseer gewees en het nie verstaan dat Jesus leef nie, toe sy weer in die leë graf inkyk sien sy twee engele op die plek sit, waar Jesus gelê het. Hulle vra haar toe hoekom sy so huil, en sy sê sy weet nie waar hulle Jesus nou begrawe het nie.

11. **MARIA DRAAI OM EN JESUS STAAN VOOR HAAR**: Toe Maria omdraai staan Jesus voor haar, maar sy het nie geweet dat dit Hy was nie, want sy het gedink Hy is dood. Hy vra haar ook hoekom sy so huil, en toe sy Hom dieselfde antwoord as vir die engele gee, noem Hy net haar naam, en sy weet dis Hy en dat Hy leef!!

12. **JESUS GAAN BY DIE VERHOOG LANGS DIE VENSTERS AF – MARIA HARDLOOP BY DIE MIDDELSTE TRAPPE AF NA DIE SAAL TOE**: Nadat Jesus met haar gepraat het, het sy gehardloop om vir die ander te vertel dat Jesus regtig opgestaan het, en dat Hy leef!!!

KINDERS SING: We believe

5. Ek sluit af met gebed en die selfone word uitgedeel.

